



Broj:01-02- 8492-6/23  
Sarajevo, 17.08.2023.g.

Na osnovu člana 70. Zakona o organizaciji organa uprave u Federaciji BiH ("Službene novine Federacije Bosne i Hercegovine", broj 35/05), člana 4. Uredbe o osnivanju Kabineta predsjedavajućeg i zamjenika predsjedavajućeg Skupštine Kantona Sarajevo ("Službene novine Kantona Sarajevo", broj 46/21), člana 16. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Sl. novine Kantona Sarajevo", broj: 22/21 i 13/22) i člana 3. Internog pravilnika o organizacijskim preduslovima i aktivnostima po Javnom pozivu za podnošenje prijave za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata održivog povratka u Republiku Srpsku iz Budžeta Kantona Sarajevo za 2023. godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo, broj: 01-02- 8492-4/23 od 7.07.2023.godine, šefica Kabineta d o n o s i

## R J E Š E N J E

o imenovanju Komisije za provođenje javnog poziva za podnošenje prijave za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata održivog povratka u Republiku Srpsku iz Budžeta Kantona Sarajevo za 2023. godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo

### I

Imenuje se Komisija za provođenje javnog poziva za podnošenje prijave za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata održivog povratka u Republiku Srpsku iz Budžeta Kantona Sarajevo za 2023. godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo, (u daljem tekstu: Komisija) u sljedećem sastavu:

1. Emil Hodžić, predsjednik
2. Ameldina Delalić, članica
3. Edina Zukić, članica

Za zamjenskog člana Komisije imenuje se Aida Zeković.

Za sekretara Komisije imenuje se Azemina Telalović.

## II

Zadatak Komisije je da, u skladu sa Uredbom o dodjeli transfera neprofitnim organizacijama i pojedincima iz Budžeta Kantona Sarajevo ("Sl.novine Kantona Sarajevo", broj: 22/21 i 13/22) i Javnim pozivom za podnošenje prijava za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata održivog povratka u Republiku Srpsku iz Budžeta Kantona Sarajevo za 2023. godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Javni poziv), objavljenom u dnevnom listu "Dnevni avaz" i na web stranici Skupštine Kantona Sarajevo, dana 27.07.2023.godine i članovima 5. i 6. Internog pravilnika o organizacijskim predušlovima i aktivnostima po Javnom pozivu, donese Poslovnik o radu na prvoj sjednici u kojem će definisati aktivnosti članova, pregleda i razmotri pristigle prijave, utvrdi formalno-pravnu urednost pristiglih prijava (blagovremenost, potpunost i urednost), izvrši provjeru potpunosti općih i posebnih uslova iz Javnog poziva, razradi kriterije za vrednovanje (ocjenjivanje) projektnih prijedloga, izvrši bodovanje i ocjenjivanje, sačini i predloži zbirnu listu ocijenjenih prijava koji ispunjavaju uslove za dodjelu sredstava, čije su prijave i projekti ocijenjeni formalno-pravno urednim, pripremi prijedlog za odobravanje sredstava, te prijedlog odluke o dodjeli transfera, a na osnovu zbirne liste ocijenjenih prijava, sačini listu onih koji ne ispunjavaju uslove sa obrazloženjem, pripremi obavijest za odbijene prijave sa razlozima odbijanja, provede terenske posjete i sačini izvještaj o istim, kao i sve druge potrebne radnje po Javnom pozivu i sačini zapisnik i izvještaj o radu, te iste dostavi rukovodiocu davaoca sredstava.

## III

Komisija će utvrđene zadatke obavljati izvan redovnog radnog vremena. Po okončanju zadataka Komisija je obavezna sačiniti izvještaj o radu i isti dostaviti rukovodiocu. Naknada za rad Komisije utvrdit će se posebnim rješenjem rukovodioca, a u skladu sa članom 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20).

## IV

Imenovani članovi Komisije dužni su potpisati izjavu o sukobu interesa u skladu sa članom 4. Internog pravilnika o organizacijskim predušlovima i aktivnostima po Javnom pozivu, koja je sastavni dio ovog rješenja.

## V

Ovo rješenje stupa na snagu danom donošenja i biće objavljeno na službenim stranicama davaoca budžetskih sredstava.



Prilog : Izjava o sukobu interesa

Dostaviti:

-Imenovanim x 5

-Evidencija

- a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-044, Fax: + 387 (0) 33 562-210

Web: <http://skupstina.ks.gov.ba>

E-mail: [aida.arap@skupstina.ks.gov.ba](mailto:aida.arap@skupstina.ks.gov.ba)